



SERANGOON JUNIOR COLLEGE

**Preliminary Examination 2014
Higher 2**

Year 2

BAHASA DAN KESUSASTERAAN MELAYU
Kertas 1 (Bahagian 2)

9558/1
(Part 2)

MALAY LANGUAGE AND LITERATURE
Paper 1 (Part 2)

22 August 2014

3 hours
(Total time for Part 1 and Part 2)

NAMA: _____

KELAS: _____

ARAHAN UNTUK CALON

Sila lihat arahan yang terdapat dalam Bahagian 1.



SERANGOON JUNIOR COLLEGE

Preliminary Examination 2014
Higher 2

Year 2

BAHASA DAN KESUSASTERAAN MELAYU
 Kertas 1 (Bahagian 1)

9558/1
 (Part 1)

MALAY LANGUAGE AND LITERATURE
 Paper 1 (Part 1)

22 August 2014

3 hours
 (Total time for Part1 and Part 2)

Nama: _____

Kelas: _____

ARAHAN UNTUK CALON

1. Kertas ini tercetak dalam dua bahagian yang berasingan: Bahagian 1 dan Bahagian 2.
2. Jawapan kepada Bahagian 1 (Soalan 1-4) dan Bahagian 2 (Soalan 5-8) hendaklah ditulis di dalam Kertas Jawapan yang berlainan.
3. PENGGUNAAN KAMUS
 - a Bahagian 1 (Karangan : Soalan 1-4): Kamus yang diluluskan boleh digunakan bagi bahagian ini. Tulis nama kamus yang kamu gunakan itu di sudut atas sebelah kanan kulit Kertas Jawapan.
 - Masa yang diperuntukkan bagi penggunaan kamus: 1 Jam 15 minit.
 - b. Bahagian 2 (Soalan 5-8): Kamu tidak dibenarkan menggunakan kamus.
4. Baca arahan yang diberikan bagi setiap bahagian dengan teliti dan jawab soalan seperti yang diarahkan.

Kertas Soalan ini mempunyai 3 halaman bercetak dan 1 halaman kosong.

ARAHAN : Jawab SEMUA soalan.

SOALAN 5 (30 markah)

Arahan : Baca petikan karangan di bawah ini dengan teliti.

Masyarakat kuno di sepanjang Sungai Efrat-Tigris, Sungai Nil, Sungai Indus dan Sungai Ganges yang rawan banjir misalnya, mengharapkan banjir berkala yang mendatangkan rezeki demi kelangsungan hidup serta kesejahteraan mereka. Bayangkan betapa gembiranya mereka yang hidup di padang pasir tatkala hujan turun dengan lebatnya. Fenomena alam seperti air bah ini merupakan satu bentuk pemberian Yang Maha Esa yang sangat berharga kepada alam. Selain itu, banjir yang berlaku di kawasan bakau dan paya yang tidak didiami dikelaskan sebagai suatu sumber alam. Tanah di sekitarnya lebih subur dengan adanya kemasukan zat-zat dari tempat lain. Banjir telah membawa mendakan bernutrien dari sungai yang kaya dan menyegarkan. 5 10

Namun kini, masyarakat lebih yakin bahawa kejadian banjir adalah disebabkan oleh kesilapan manusia dan kegagalan pengurusan daripada hasil fenomena semula jadi. Akibat kecuaian manusia **mencerna** alam sekitar dan sikap manusia yang tamak yang tidak dapat dibendung, manusia sewenang-wenangnya memusnahkan alam tanpa memikirkan akibatnya. Pembangunan yang tidak dirancang dengan baik juga boleh mengakibatkan air bah menjadi satu bencana alam yang tidak diduga. Didorong oleh faedah-faedah ekonomi dan kewangan daripada pertimbangan-pertimbangan rasional, ketenteraman dan keseimbangan alam sekitar diremehkan. Tindak-tanduk manusia yang angkuh ini menyebabkan kerugian hingga mencecah jutaan dolar selain korban jiwa yang tidak ternilai. 15 20

Lambang kemakmuran ekonomi, nadi pelancongan dan imej antarabangsa watan ini iaitu Orchard Road telah dilanda banjir baru-baru ini. Beberapa hari kemudian, banjir kilat melanda lagi di beberapa kawasan Bukit Timah, Katong dan Thomson Road. Punca-puncanya pun sudah dikenal pasti. Bahkan pihak berkuasa telah mengisytiharkan semakin lebih giat untuk memastikan kejadian sebegitu tidak berlaku lagi. Namun, tampak masih ada pihak yang masih terus-menerus menyoal dan tidak dapat menerima sekiranya ia berulang. Kejadian-kejadian ini menjadi semboyan- betapa Singapura tidak mampu leka atas sebarang kelebihannya. Tiga keutamaan harus segera ditangani iaitu pertama, memulihkan keyakinan pekedai yang terjejas sehingga terpaksa menanggung kerugian jutaan dolar, kedua, memperkukuh keyakinan warga terhadap kewibawaan pihak berkuasa menjaga kemaslahatan mereka termasuklah dalam soal saliran dan ketiga, memulihkan nama baik negara ini sebagai destinasi yang seronok dan selamat dikunjungi. Iktibarnya, pemerintah perlu akur akan betapa besarnya jangkaan warga terhadap pemerintah demi memelihara hal ehwal mereka. Jangkaan ini bersandarkan reputasi Republik ini sebagai sebuah negara yang cekap, cukup cermat dan rapi dalam segala perancangan dan pentadbirannya. 25 30 35 40

Strategi **tuntas** perlu dilaksanakan oleh watan ini untuk mengawal keadaan alam sekitarnya. Pihak PUB contohnya, yang mempunyai 32 alat pengesan paras air di terusan-terusan utama bakal menambah jumlahnya kepada 90 menjelang hujung tahun ini bagi merangkumi semua terusan dan kawasan-kawasan yang terdedah kepada banjir. Dengan adanya sistem amaran awal tentang hujan lebat dan paras air di terusan, masyarakat dapat bersedia untuk bertindak **kemungkinan** mereka perlu berpindah. Masyarakat umum juga digalakkan melindungi rumah dan harta benda mereka melalui perlindungan insurans agar mendapat jaminan terhadap risiko kemungkinan kerugian kewangan jika berlakunya banjir. Bagi yang terjejas, mereka dapat menarik sedikit nafas lega kerana beban kos kerugian dapat dikurangkan. Lantas, sebagai anggota masyarakat yang bertanggungjawab, kita perlu bersikap realistik, dan harus mempersiapkan diri bagi sebarang senario, baik yang terjangkau mahupun tidak.

Arahan : Berdasarkan petikan karangan yang diberikan, jawab soalan-soalan berikut dengan menggunakan ayat kamu sendiri. Tulis jawapan kamu pada kertas yang disediakan.

- a) Banjir merupakan peristiwa alam yang mendatangkan manfaat. Buktikan.
[6 markah]
- b) Bagaimanakah manusia bertanggungjawab dalam berlakunya kejadian-kejadian banjir?
[6 markah]
- c) Kekerapan berlakunya banjir mampu menghakis "*keyakinan warga terhadap kewibawaan pihak berkuasa menjaga kemaslahatan*" rakyatnya. Jelaskan.
[6 markah]
- d) Terangkan persediaan-persediaan yang boleh dilakukan oleh pelbagai pihak dalam menghadapi masalah banjir.
[6 markah]
- e) Terangkan maksud perkataan-perkataan berikut mengikut konteks petikan karangan yang diberikan.
[6 markah]
 - i. mencerna (baris 14)
 - ii. tuntas (baris 41)
 - iii. kemungkinan (baris 47)

SOALAN 6 (15 markah)

Berdasarkan petikan karangan di halaman 2, ringkaskan isinya supaya menjadi tidak lebih daripada 100 patah perkataan. Seberapa boleh, gunakan ayat kamu sendiri.

Soalan 7 (10 markah)

Arahan: Dalam petikan di bawah ini terdapat 10 tempat kosong. Isi tempat kosong tersebut dengan perkataan yang sesuai mengikut konteks petikan karangan tersebut. Kemudian, tulis jawapan kamu mengikut susunan perkataan dalam petikan karangan di Buku Jawapan yang disediakan.

Pemerintah kini mempunyai taring bagi membanteras aktiviti tailong hingga ke akar umbi di negara ini. Di bawah Rang Undang-Undang Peminjam Wang (Pindaan) yang telah (a)_____ di Parlimen baru-baru ini, ketua sindiket, tailong malah peminjam akan (b)_____ hukuman lebih (c) _____. Tailong kali pertama boleh dipenjarakan sehingga empat tahun dan didenda sekurang-kurangnya \$30,000. Pesalah (d) _____ pula boleh didenda sekurang-kurangnya \$30,000, penjara sehingga tujuh tahun dan sebat 12 kali, (e) _____ enam sebatan sebelum itu. Mereka yang mengganggu peminjam dan merosakkan (f) _____ yang dimiliki peminjam boleh disebat sekurang-kurangnya tiga kali. Malah, peminjam yang memberi alamat palsu kepada tailong, hingga menjejaskan mereka yang tidak bersalah, juga tidak akan (g)_____ kerana boleh diheret ke (h) _____. Bagi memastikan golongan belia tidak terjebak, (i) _____ sindiket yang menarik remaja di bawah umur 16 tahun (j) _____ kegiatan tailong, boleh dipenjarakan sekurang-kurangnya dua tahun. Langkah-langkah ini diharapkan dapat menghindari masalah tersebut daripada menjadi ancaman yang lebih besar kepada keselamatan rakyat.

SOALAN 8 (10 markah)

Arahan : Teliti perangkaan berikut. Kemudian, alih bentuk teks ini menjadi teks prosa dengan menggunakan 80-100 patah perkataan.

Huraikan maklumat-maklumat yang diberikan di bawah ini.

Jumlah perkahwinan, perceraian dan pernikahan remaja Islam

	2008	2009
Jumlah perkahwinan dalam kalangan pasangan Islam	4,207	4,021
Purata umur pengantin lelaki dalam perkahwinan pertama	29.1	29.1
Purata umur pengantin perempuan dalam perkahwinan pertama	26.5	26.7
Peratusan remaja lelaki Islam (bawah 20 tahun) yang bernikah	2.7%	2.3%
Peratusan remaja perempuan Islam (bawah 20 tahun) yang bernikah	8.1%	6.9%
Kadar perceraian dalam kalangan pasangan Islam (jumlah kes)	1,697	1,631

(Sumber : Statistik Perkahwinan dan Perceraian 2009 ; Jabatan Statistik Singapura)

SELESAI